

The



59911

III

Mog. St. Dr.

P

Teol. 4381.

Augustianae Provinciae Poloni. Juss. Theol. Varsavi. The  
saurus divinae scientiae s. c. Conclusiones  
theologicas dogmatico polemico historico apolo-  
getico scholasticas.



Thesaurus divinae scientiae sive Conclusiones  
theologicae  
Hugoboniani



# THESAURUS DIVINÆ SCIENTIÆ

Sacrarum Literarum, Conciliorum, Patrumquē ac præcipuē Sanctissimi Solis, Doctorum Ecclesiæ, Theologorum Primatis, multorum Antesignani Ordinum, Illiceti Eremitici Luminis ac Patriarchæ AUGUSTINI Gemmis ditiori Gaza ac pretio Adamantum.

## REFERTUS

Auro omne Pretiosum superante à *Złoty Potok*

*ILLUSSTRISSIMORUM PILAVITARUM*

*JOSEPHI*

## POTOCKI

Capitanei Leżajscēsis, Catafractæ Cohortis Reipublicæ Polonæ Roth:magistri

## PETRI POTOCKI

Capitanei Sniatynensis.



FRANCISCI ac VINCETIJ

## POTOCKI

Posnaniensium Palatinidū, magnæ expectationis Viro-  
rum auctus ditatus ac

## CUMULATUS

In Eosdem Hæreditate Sapientiæ, Possessione scientiæ,  
ac Intromissione Virtutum

## DEVOLUTUS

## CENSUM GRATITUDINIS

*Pro innumeris Beneficiorum Capitalibus ac Favorum acceptis Clenodijs, sub die-  
bus Provincialis Capituli Mecænatum Faventissimorum Gratijs congregati.*

## SOLVENS

Ab Augustiniano Provinciæ Polonæ studio Thèológico Varsaviensi.

## CONSECRATUR

Annō, quō Supremus Regni Cælestis Thesaurarius in Unione pretium dedit Salu-  
tis 1758. Die Septembirs. 24

Objectis satisfaciente Religios: F. Petro Geszka S. T. Studente Præsidentibus  
A.A.R.R.P.P. DOMINICO KARSKI & JOSEPHO MALACHOWICZ S. T. Lectoribus  
& Professoribus actualibus ejusdem.

\*\*\*\*\*  
Typis Varsaviæ S. R. M. & Reipublicæ Collegij Societatis JESU. \*\*\*\*\*



# J N A V I T A D O M U S J L L U S T R I S S I M Æ D E C O R A



59911 III

I  
Crux Regum frontes ornat, Crux Regna  
tuetur

Propria cur Vestrae gēma PILAVA Domūs  
Noverit ut mundus Lechis munimen in illa  
Et decus & pretium, praefidiumquē situm.

II

Trinæ Sceſtra Crucis retinent fastigia Sūma  
Ac Solum trinā Scra Tiara nitet  
Hac binā & semi Vos Caelum & Patria donat  
Sic media à Summis docet abesse Cruce.

III  
Hujus spectat Honor Virtusquē Insignia  
(Stirpis)  
Hic dicit nostrum cernite Regna decus.  
HASTÆ bella gerunt, Patriamquē tuentur  
(ab hosſte)

Atquē Fides trinā sub Cruce tuta manet.  
Non opus est lōgo deducere ab ordine Facies  
Iſti nam Domui præſtō SENATUS adest  
Pergite felices tantis Genitoribus Orti  
Deliciæ MATRIS, deliciæquē PATRIS  
Quō PJLAVITARUM, quō Stirps ZAMOY-  
SCIA floret

Vos celebres videat Curia, Castra, Forū.





# DEDICATIO



**T**hesaurum Divinae Scientiae pauper Augustini Eremitae,  
 vel inde, ditissima, nulli certius consecrandum, conser-  
 vandumque censuit attribui, quam VOBIS JLLUSTRISSI-  
 MI DOMINI MECÆNATES GRATIOSISSIMI. Si enim  
 hinc tributa isti Thesauro Mystico cōsideretur æstimatio,  
 istihinc Vestra anima dvertatur Prosapia, mente revol-  
 vatur Progenies, nihil certe affirmare licebit, nisi Divinam scientiam,  
 Sacram Thæologiam, Cœlici Roris Clenodia, supremi Numinis Beryllos:  
 Domum Vestram aurum mundum, coronam fulgidissimam, cui isthæc  
 Clenodia incigantur vestro condecorentur croco. Velim attendant  
 universi Domūs JLLUSTRISSIMÆ PILAVITARUM præstatiā, ecquid pre-  
 tiosi eorum pupillam effugiet? ipsum Domūs JLLUSTRISSIMÆ initium  
 pretio omnium superat originem. Solimæi Coronatum litera Sacratior Cœlo  
 quasi demissum, Patrem Matremque non habuisse commemorat. Ec quid  
 ista velint? nisi eum immemorato tempore advenisse. Vertite quæso men-  
 tem vestram ad aureos è fontibus Pactoli vel potius Poli Sarmatici, ceu sa-  
 tius cœlici profluentes rivulos POTOCCIANÆ JLLUSTRISSIMÆ PRO-  
 SAPIÆ, cernetis quidem ejus fluenta Gemmis auroquē redundantia, sed  
 fluctuum initia minimè reperietis, quamvis magna conspiciat indicia.  
 Tangunt littora fluviorum fimbrias, ast ad fontis originem non pertingunt.  
 Gaudent ripæ denundantijs fluctuum, unde herbam, flores, fructus, ac  
 inde suum sortiuntur decorem, has in se favoribus plenas habere guttas  
 sed unde profluant norunt? minime. Sentiunt quantum boni participant;  
 sed quàm bonum sit quod habeant certò ignorant. Viam navis in Mari,  
 fassus se ignorare sapiens: non aliam fortè professus est, nisi quā in Sarma-  
 ticum litus Domūs Potoccianæ applicatum Clenodium. Enim vero Sapi-  
 entissimi Poloniae Scriptores, multa Pilavitarum, imo innumera memoran-  
 do pro Focis Arisque facta Heroica, de ipsis Heroum initis vel penitus si-  
 luerunt, vel nihil certi posteritati tradidère. non ob aliud, nisi quia Do-  
 mūs antiquitatem attingere minime valuerunt. Illi Seradiensem ei Palati-  
 na-



natum sedem, isti in Cracoviensi primum huic Domui nidum extitisse censuerunt. Cæterum nihil evidentis concluderunt, hoc non nisi Posteritatem docuerunt Domum Potoccianam toti Sarmatico Orbi ad palatum extitisse. Gloriantur nonnulli Domus Istius attigisse fundamenta ex aurei torrentis omnibus pretiosissimis Gazis, ditioribus lapillis composita, sed quantum se ipsos posterosque sefellerunt? Videndum est. *Złoty Porok* non Potoccianam invenit Domum, sed Domus hæc suo pretio Adamantes & Gemmas aureo injecit torrenti, non ex Eo Originē sed ipsi tribuens initium. Non immerito semitrina Cruce insignita nisi quia cœlitus Polo Polono adveniens, & veluti inter Sacros Cineres frontem Crux obtinuit, ita inter JLLUSTRISSIMAS CELSISSIMAS, serenissimasquæ Familias primam Sacer Pilava occupat Sedem. Dolori igitur meo desilendum relinqvens me initia Domūs attingere non posse. Fato adscribens, ac im belli virium robori posse minime comprehendere Introitum exitumque Istius familiæ; imo summe gadens quia in hoc Domūs initio quid Divinum invenio. Quid agam? si non finit & temporum Vetustas, ne errem æternitas, & humilis svada antiqva ac profunda Domūs attingerere fundamenta; omit-tens non quia digna non sunt sed quia percipi non possunt, solum svadâ meâ ingrediar ærarium. Videre mihi videor ad primum referantis se se hujus ditissimi Thesauri ingressum sicut cor tot tantarumquæ affluentia opum mancipari, ita memoriam ab intellectu, intellectum fugari ab anima. Dum unius meminerit alterius cogitur oblivisci. Ac mens copia defatigata cogitandi, cognoscendi, in texta labyrintho, rapta potius ab hoc Thesauro, quam in ipsum rapi videatur. Sed perge ulterius rogo mens mea aviditate illecta cordis, Cor meum obsecro, alas menti adijcito ut hocce ab imis ad summa, a sursum usque ad ima pervolvat ærarium. Video innumera, considero pretiosa, judico prima æstimatione pretio infinita Glenodia, & velut tota Sarmatia meas pupillas irrueret quot quot lego Honores, quod Heroicas opes, ipsosque Heroes numero, hoc totum vel nullibi est, vel si est, totum hoc Domus POTOCIANA habet. Imo plus illis. Aliæ dignissimæ Prosapiæ Hippomenis cursu velut Atalantem honores prævijs licet insectantur virrutibus; soli POTOCII cumulo contenti virtutum, fugere se ostendunt honores: quoties Augustissima, Imperji Sedes Principum Ducumque contendit hoc in ærarium inferre Insignia, toties repulsam passa, Heroum conabatur audire responsa: se male in Polono Agmine Nobilium qualem numerari civem, esse Nobilem, quam Ducum Authoritate præferri, hoc summo colens pro pretio, omnibus se parem videre, imparitatem nulli tribuere Nobilium. Contenti potius Equitem agere Polonum quàm Ducem Romanum nancisci. Hinc videre libuit veloces gressus PILAVITARUM, ad oleam Martis currere; sine Laurus prætensione, malle potius victrici dextera decertare, quam certos Triumphatorum honores legere, inde suum honorem æstimantes in laboribus Reipublicæ in negotijs Patriæ, in denique Bellonæ pulveribus, Solones, Lycurgos, Aristarchos, Martesquæ esse quam nominari. Quotidi.



ridianum pretioso PILAVITARUM Pactolo Aurum arenam ceu in Reipublicæ dispendia dissipare propria dilapidare ( si justum est hanc virtutem ita vocari ), bona, ut lapides pretiosi Regni inde Diademati incingantur. Unio cum Sarmatica Aquila POTOCCIANÆ Domûs tot pretiosis. fimos genuit uniones, quos ejus Polo fundit sudores, Nihil magni æstimantes quod aut Bellonæ pulveribus mistum, aut proprijs non sit irrigatum sudoribus. Hic Ganges Tagusque solus ЗЛОЙ ПОТОК, auro meritorum, Beryllis rectefactorum, Gemmis denique inconcussæ fidelitatis Patriæ, sua fluentia continuat, & quo plures in litus totius Sarmatiæ è sui profunditate jactat opes. eò numerosiores in eo generantur Quò latius hæ auricolores undæ in mare proripiuntur Polonicum eò uberius è fonte fluunt & non immerito etenim:

*Vastum haurire licet, non exhaurire profundum.*

*Suggerit immenso gurgite pontus aquas*

*E fonte in fontem saliens non segnitè unda:*

*Ut gemino melius flumina fonte fluant.*

Larga dextera quoties Thesauros cernitur dissipare, toties hoc selectissimis amoris honorumque a Patria Gazis donatur ærarium. Jam vertetua quæso mens omnis lumina pupillâ nitidâ radiantia attende Clenodia. Summam pretij vel in de felicior Polonia non in copia auri quo solum fecunda Parens Progenitore Titane donat Nationes reponens; ast sua arte marte cufore illa efficit; Hinc ejus Soboles pro Gazis rectè gesta ceu pro muro pectora habuere. Degener minimè a Sarmatiæ dotibus PILAVA ILLUSTRISSIMUS pati satius pro Republica incommoda, belli portare æstus, Bellonæ misceri pulveribus, quàm Honorum dignitates Gloria & honore comitantibus amplecti paratus semper &: ideo post innumera Togæ Sagique insignia non expectare mercedem natæ, sed ipsum laborem sortiri pro præmio. Libeat hanc generosi animi dotem in STANISLAO [ ut propius accedam ] admirari: sceptrā tenente Serenissimo JOAN: CASIMIRO, qui sicut miro Casu honoris consecutus ascensum, ita multis pressus adversitatum turbinibus vix non se peliri in antipodis adversæ diceretur fortunæ, ni auro pretiosiore hujus STANISLAI POTOCKI Palatini Cracoviensis a fœdisfragis subditis ad Guzoviam, à Moschis ad Smolenscum à Tartaris ad Chotimum & Cæcoram redimeretur. Cum nunc consilio, nunc pugnæ dexteritate illos ad concordiam cæteros ad ignominiosam fugam coegit. Spolium quod inimica eripuit manus, dextera STANISLAI unicuique suum restituit. Hic ILLUSTRISSIMUS Heros sexaginta Annorum decursu in Martis Acie cū cōtinuo in loco campestri verus Poloniæ Hercules stetisset, turbam discipulorum quos suis virtutibus ceu Magistris instruxerat, Patriæ consecravit. Fortassis quispiam subaudiet nostrum STANISLAUM pro labore laudis, honoris merces expetere, mercedē exquirere, expectare post oleā laboris Triūphi Laurus, a Majestate? minimè, Post tot pugnas, innumeros post Duces sua manu Captivos Septuagenarius, viribus ac ætate cōsumptus lass. mēbris, non



corde, bello nuntium mittit, quietam à Majestate vitam precatur, O! Hero, em verissimum O Domum POTOCCIANAM ditissimam! quis Vestram non admiretur virtutem in STANISLAO? laborat toto Sæculo mercedis munere nihil quærens. STANISLAE tua mēs quorsū fertur? pete, quid ajo? impera Majestati ut Tua virtus Coronam accipiat. Quid ad hæc? Videre mihi videor respōdere STANISLAUM illa Civis Romani STANISLAO digna verba: meo sudore irrigavi Polonū tellus ut multi honoribus crescant, ego quiescā, vel inde satis consecutus honoris. Celeri Metropolim Russiæ Leopolim petit gressu quieti cupiens indulgere honoribus abdicatis. Ast non patitur ipsa superum moderatio deesse præmiū Virtuti, laborum coronidi Coronam non tribui. Jam mediū peregit iter Leopolim, ille qui pugnis pugnosc infligit inimico, viscera terræ lemete refecantem viam propè invenit ruricolam. Fatum dicetis fortasse? abstitit! Superūm providentia suis præfagijs a terrena Majestatem locupletandum honoribus, fungientem in sequitur STANISLAUM. Inopinato eventu ferream Clavam STANISLAI meritis in terræ visceribus reservatam boves extrahunt, aratrum elevat ruricola fesso poplite arripens, vel inde Sapientissimus Jdiota quia STANISLAI noscens merita æquo insidentem adit post se Majora ducturam offert clavam & simul vaticinatur. Minime cupidus honoris STANISLAUS Clavam humanitatis ingenitæ gratia suscipit innato POTOCCII remuneratione favore, quid sit eventurum prorsus non cogitans. Felix adit Urbem ubi Civem ageret. domi suæ quietem lassus vix membris concedit, ecce spem ultra ita minimè sperans sicuti volens etiamnum minimè, hospitem Prænotabilem Perillustrem suis Laribus inducit Lanckoronski qui Ei a Rege salutem præcatur Ducemquē veneratus auream offert Clavam. Hoc stimulo incitatus STANISLAUS Castra repetit, arma arripit hostem prostrat, Patriæ victorias præstat. Hunc in Thesaurum intulere multa imo innumera rectorum Clenodia & Cæteri Domus PILAVITANÆ Heroēs, quorum si mens seriem Angustæ paginæ inferere in Votis habet, certo vix in vitæ periodo perorabit. Sufficit ad Gloriam ILLUSTRISSIMORUM PILAVITARUM proferre & asserere quemvis POTOCCII Virum Pacis & Belli artibus Clarissimum cui & oris docus & morum elegantia defuit nunquam. Hac in Domo præterea pro fidelitate in Rempublicam, ac Fidem Orthodoxam, fuit laboris, inedia, ælgoris, vigiliæ, patientia summa, Pietas modestia, liberalitas, cæteræque Heroici animi dotes, Hinc est quod grata suis Filijs Patria in hoc ærarium plurimos ad invidiam Gentium pretiosiores intulit honores & Gratijs cumulavit. Quot Senatorias hic legis Curules? intueris Exercituum Regni Supremos Duces? Zawichostenses, Lublinen, Woynicen, Seradien. Sandomirien, Wislicen, Randomscen. Camenec, &c: consideras CASTELLANOS? Braclavienses, Kijovien, Smolienscen Wolhinia, Belzen, Cracovien, Czerniechovien &c: Numeras Palatinos? Hic Regni Scipiones. Podolia & Majoris Poloniae Generalis Jurisdictio Nætariatus Regni Sublimitas imo ipsa Vice-Regia ac Primatialis Dignitas suam elegit metam, quærit dignissimos suæ Celsitudini Viros Aptissimos. Hic Tłomacensis, Laticzovien, Bialo. Kamienen, Hali:



Halicen, Baren, Gorden, Kolomiscen, Moscicen. Drahimen, Radomien.  
Lezayscen. Sniatinen. Dolien. Horodlien. &c: Capitaneatus ultro a Ma-  
jestate offeruntur Verbo absolvam, totum quod Polonia habuit honoris  
Domui JLLUSTISSIMÆ POTOCCIANÆ consecravit. Propius igitur ad  
ANDREAM Celssimum Cracovientem Castellanium Ducem Supremum  
Regni exercituum, Vestrum JLLUSTRISSIMI Mecenates Proavum des-  
cendendum propono: hic nihil videre possum, quod aut honore non ful-  
geat aut maximas virtutes non spiret. Unum tantum hujus viri attin-  
gam Elogium, loquar Encomium. Heros hic præ magnitudine scientiæ,  
magnanimitate virtutum ad maxima se se natum Patriæ demonstravit.  
Unde JOANNES III REX POLONIÆ Inviçtissimus, Orbis CHRISTIANI  
ad Viennam profecturus Salvator ne Pater Matrem pupillam relinquat  
Poloniam multas in Crucibus POTOCCIANIS ei benedictiones precatus,  
CELSISSIMO ANDRÆ custodiendâ tutandam que comisit, spe fretus spe  
ciali, nullis sub auspicijs tutiorem manere quam Sacro insignitam PILA-  
VA, quod & ipso effectu demonstravit Hic JLLUSTRISSIMUS & ut veri-  
us agam Pro Rex SERENISSIMUS qui suis vigilijs se magis ad Regnum  
aptum quam Regem demonstravit. Nonne hoc est summis refertum  
opibus ærarium quod suis inædiebus Domus POTOCCIANA habet. Tolle  
Aurum, Berillos ab India, Achatem Siciliæ, Adamantes Ethiopiæ, Smaragdum  
Scythiæ, Carbunculum Carthaginis, Jrydem Persiæ, Gemmas Erithrei, æqua-  
lâce libra nihil certe pretij in omnib9 invenies quo POTOCCIANA Domus  
non redoleat, imo omnium superant valorem, excedunt Dignitatem.  
Quid igitur de JOSEPHO. CELSSIMO. Avo vestro proferamus an om-  
nino filebimus? satius venerabundo silentio transeundum censuerim quam  
imbelli tantum Herodem celebrare Elogio, & quod Augusto Cæsari Roma-  
ni cecinere Cives Auguste sæcula sola tibi laudes canant, hoc devinctissimum  
Nomini & honori JOSEPHI decet animum: JOSEPHE sola sæcula Tibi  
laudes canant. Transeo dictione multas virtuosas actiones. prætereo invictas  
pro honore PATRIÆ Pugnas, mille reportatas victorias, non fero in me-  
dium gesta Heroica, æternitati illa describenda relinquo. Satis demonstra-  
re videor si Patrem in filio etiam post fata vixisse assero, JOSEPHUM CEL-  
SISSIMUM in JLLUSTRISSIMO STANISLAO PALATINO POSNANI-  
ENSI, VESTRO MECÆNATES GRATIOSISSIMI PROGENITORE,  
QUI CUM SMOLENSCENSEM & post KIJOVIANSEM Curules occu-  
paret, tandem Gratia FELICISSIME REGNANTIS REGIS SERENISSI-  
MI AUGUSTI III ad Posnaniensem evectus. Ita Majestati Polonæ Cha-  
rus sicut cumulo virtutum ac meritorum refertus. Memoria retrahant  
lapsa tempora & totum vitæ STANISLAI Auro cedroque notent decur-  
sum. Multoties pro libertate Legatum Comitiorum intuebitur in curulibus  
Senatorijs defensorem auscultabit, Marschallum Commissionis Radomien-  
sis multoties judicabit æquissimum Regimentarium pro dignissimo Parente  
suo Generalem experietur. verbo absolvam sicut sui Antecessores in hoc  
POTOCCIANÆ Domus ærarium merita, dotes, ac Sangvinis CELSSIMI-  
MA-



MARUM, ILLUSTRISSIMARUM, WAZYNSCIORUM, PSARSCI-  
 ORUM, KOSCIELECIO- RUM, SAMBORZECCIO- RUM, LUBOMIRSCI-  
 ORUM, PLASCIORUM, SZWARCZOSCIORUM, STRASZKOWCIO- RUM,  
 GAWRONSCIO- RUM, GRUSZYNSCIO- RUM, MIESZKOWCIO- RUM,  
 ZAJĄCZKOWSCIO- RUM, KOZIEROWSCIO- RUM, KOZIMINSCIO- RUM,  
 JAZŁOWIECCIO- RUM, SMIOTANKORM, KORYCINSCIO- RUM,  
 OSTROZANSCIO- RUM, WESSLORUM, MAKOWIECCIO- RUM, MYSZ-  
 KOWSCIO- RUM, WORONIECCIO- RUM, CZERMINSCIO- RUM,  
 TURSCIO- RUM, WOŁUCCIO- RUM, KALINOWSCIO- RUM PRUSI-  
 NOWSCIO- RUM, KAMIENIECCIO- RUM, PIASECCIO- RUM GOLSCI-  
 ORUM, KORRECCIO- RUM, HUMIECCIO- RUM, ZAMIECHOWSCI-  
 ORUM, BUCZACCIO- RUM, RADIVILIO- RUM, SIENAWSCIO- RUM,  
 OSTROROGORUM, PRZERABSCIO- RUM, RYSINSCIO- RUM, FIRLEIO-  
 RUM, WIELOPOLSCIO- RUM, DONHOFFORUM, LESZCZYNSCIO-  
 RUM, WISNIOWIECCIO- RUM, SMIGELSCIO- RUM, KOSSAKOW-  
 SCIO- RUM, MNISZHORUM, MOSZYNSCIO- RUM, CETNERORUM,  
 SAPIEHARUM, KACCIO- RUM, CHOTKIEWICCIO- RUM, &c: Familiarū  
 præstantiam intulêre ita Hic JLLUSSIMUS PALATINUS primis votis in  
 JLLUSRRISSIMA Betzenfi Palatinida Conforte Sua ŁASZCZORUM di-  
 dignitatem & merita Thesauro adjecit & aggregavit. Secundis utinam  
 semper Secundissimis Jllu- strissimo Zamoysciorum junctus sacer PILAVA  
 Jelitæ in Jllu- strissima Sarmatiæ Pandora HELENA Palatinida Smolenscenfi  
 Viçturâ Domina æviterne in hoc ærario sicut fortia Heroum Gesta Sapi-  
 entissima suæ Familiæ in Rempublicam consilia, ac a Patria oblatos Za-  
 moysciijs collo cavit honores, ita hæreditavit virtutes. Habet Domus hæc  
 non terræ tantum & mundi Thesauros ast superos etiam & astra mercatur,  
 hinc unione pretiosissimo ditari cupiunt in aras, Divos Servosque Divo-  
 rum pietate. Multas propterea Divorum ædes, libet non nullas nomina-  
 tim attingere Cisterciensium Andreoviæ, Sniatyny, Rubieszoviæ Jesuopo-  
 ly Halicij Skolczynij in Tuliszki & Złoty Potok Prædicatorum Ordinis,  
 Josephoviæ Zbarazij Christinopoli, Sokalij, & ibidem altare argenteum,  
 Gwozdeccij, Sprinborgy Patrum Bernardinorum Stanislavoviæ Crasno-  
 stavæ Leopoli, Varsavæ Patrum Societatis JESU. Podhaycij Cameneci  
 Catmelitarum discalceatorum Christinopoli Tomaszoviæ Brahylovij Le-  
 opoli, Trinitariorum Sokalij Monialium Sanctæ Brigittæ Szedziszoviæ  
 Capucinatorum Lovicij Scholarum Piarum & FF. Chlaritatis. Etc. quas  
 sua munificentia vel a fundamentis publicæ ostendit luci, vel magna  
 ex parte partim redditibus dotibusque partim instauratione Manus ir-  
 retorta ditavit, decoravit. Emula Stanislai virtus in hoc etiam pal-  
 mam præripere patitur unquam, contenta minimè Cæli Thesauros in  
 Cordis pati ergastulis totius Sarmatiæ pupillis conspiciendos concedit.  
 Mitto multa omitto innumera sufficit quod Grates rependat æviternas  
 ipsa pusilla Magni Patriarchæ Augustini Familia quæ a Munifica Ve-  
 stri Parentis JLLUSTRISSIMI dextera condonatur. Clamat de Pariete  
 lapis



lapis Sancta crudelitate dissectus ut rara pietate STANISLAI conjunctus  
ædem Divis Servisque Divorum sua mole, STANISLAI impensis efficiat.  
& in hac conventione Conventum faciat Zaloscensem. Non est conten-  
tus Mecænates JLLUSTRISSIMI Vester Progenitor quotidianis Aurelij  
Filijs auri subsidij adjuvare, nisi etiam Augustini hæredibus splend-  
idum erigat Augustale Testem que suæ Munificentiae æternitati linquat  
lapidem in pietatem compositum, Donet Dómum. Quid tandem? & circa  
Cor Augustini sua præcordia versentur continuo, Simile sibi adjutorium  
PILAVA CELSISSIMUS Jelitam JLLUSTRISSIMUM sicut in omni, hac  
in parte adlegit potissimum. Et certe melius semitrinæ POTOCCIANÆ  
Crucis nemo scivit virtutem, potuit conservare. honorem quam HELENA  
PILAVÆ amantissima. Nullus avidius ad Thesaurum Domus potuit ex-  
cubias agere quam Heroum hastis fretus Jellita JLLUSTRISSIMUS Quid  
Auro Vestro pretiosius? Gemmis ac Berillis Domus Væstræ præstantius?  
Gloria Parentum in Filijs Vos Soboles tenerrima Vos integerrima Gloriæ  
STANISLAI, viva virtutis HELENÆ Imago, Mecænates JLLUSTRISSI-  
MI. Superat omne quod nomine pretij gaudet natus in vobis Paren-  
tum valor, indita eorum vigilantia in nata Vobis evirtus. Hinc Pater  
mille in Crucibus benedictiones impertitur Mater hinc hastis ab omni  
honoris virtutis que maxime tuetur infortunio. Et hoc est quod vestris  
de Parentibus pretiosi accipitis. Vident, singuli admirantur universi. Vestra  
modestiam in agendo, in perficiendo dexteritatem, Majestatem in pro-  
cedendo, virtutemque potius sub Vestro nomine militare, quam vos  
virtutis Heroes esse affirmant. Non est pupilla quæ Vestras non avi-  
ditate intueatur non ad miratione notet dotes. Timet quidpiam  
de Vobis dicere Mens intendentium ne adversæ lequellæ a virtutibus Vestris  
pænas luat, vel non satis digno celebrando Encomio incurrat vitu-  
perium, Timorem Superiorum maxime in Vobis Sapientiæ confide-  
rando initium. Quis igitur dignas tanto Nomini & Vestris virtutibus  
condignas valebit ferre laudes? nihil ita dignum intellectus excogitat.  
lingua dicit, pagina continet, Vestra sicut fulgent Gesta virtus ra-  
diat. Vestras igitur Laudes vel a Vobis ipsi- mutua conversione fas  
est exquirere sicut Philippi Macedonis Laudes solus extitit [Alexan-  
der, Alexandri Philippus, ita Vestra Encomia in Parentum honore &  
virtutibus, Parentum virtus & Gloria in Vestris recte gestis inclu-  
duntur. Thesaurus Domus Væstræ in Vobis JOSEPHO accrescit; PETRO  
solidatur. in Francisco! Vincentio victrices colliget Palmas. legat ho-  
nores Cui nequid desit, ne sit quod Ejus pretio detrahatur, Dives in  
jurata Paupertate Polona Provincia Nostra, vel inde ditissima quia  
superum Thesauros ambit & possidet, e Thesauro Divinæ sapientiæ  
Censum pro innumeris Gratiarum Capitalibus in Theobus Theolo-  
gicis ( habens minime unde vobis Grates rependat ni pro Vobis  
agat supremo Numini Gratias ] solvit. Vestris in Vos jam pridem  
Vir-



Virtutibus devolutum. Et sicut in suis Gazis immortalem, infinitum;  
immensum pro Nummo Numen Hypostaticam Unionem pro pre-  
tiosissimis Clenodijs fortitur & profitetur, ita vos & decori Patriæ &  
Domus honori & denique pietati oportunos si non æternos vivere,  
honoribus Augmentari ad summa crescere, saltem diuturnos precatur.

Nomini &c.

Honori Vestro

Devinctissimum simul ac obligatissimum  
Studium Provinciale  
Theologicum Varfaviense.





# CONCLUSIONES THEOLOGICÆ

Dogmatico Polemico Historico Apologetico Scholasticæ,  
Sacris eloquijs, Auctoritati Patrum, præcipue  
AUGUSTINI, & rationi innixæ.

## DE DEO UNO



Theologiæ primo in vestibulo à falsis heterodoxorum imposturis, quam *Scholasticam* nuncupant, est vindicanda; ea siquidem utilis est, necessaria, & ad profligandas hæreses fidemq; servandam aptissima II. Theologia isthæc proprie ad scientiam refertur. III. At non est ejusdem rationis cum aliis scientiis. IV. Quamquam principia Theologiæ super-naturali lumine innotescant, ea tamen ad naturales scientias pertinere videtur V. Obiectum *attributionis* Theologiæ est DEUS: *Formale*, revelatio Divina: *adequatum*, omnis conclusio quæ inferri potest ex propositionibus fidei. VI. Valde probabile est impressam esse sin gulis hominibus ab<sup>ei</sup> universorum auctore Ideam sui. VII. Hæc ideâ DEI nobiscum genitâ supposita facile demonstratur DEUM ipsum existere. VIII. Verumtamen Athei alijs quoq; momentis convincuntur. IX. Quum hæc enunciatio, *DEUS existit* sit nobis sese nota ac manifesta. X. Nullus quantum vis aggressis ac barbarus potest Creatorem suum invicibiliter ignorare. XI. DEUS Unus est XII. Quare non dantur duæ summæ ac principes causæ, quarum una sit cujusq; boni altera malorum omnium effectrix. XIII. Constituitur metaphysice DEI Natura per *esse à se*. XIV. DEUS est ineffabilis, id est, licet plura vocabula significant Divinam Essentiam, aut attributa, prout à nobis percipiuntur, nulla excitant ideam Divinæ Naturæ prout est in se. XV. Divinorum nominum alia Divinam Naturam ac Substantiam significant, alia attributa XVI. DEUM esse Autropomorphon neq; S. Epiphanius, neq; Audius existimaverunt. XVII. Bene vero Melito Asianus Sardenfis Episcopus. XVIII. Tertullianus item: XIX. Utut sit, DEUS est purus ac simplex, Spiritus XX. Et omnis intrinseca distinctio est à DEO procul eliminanda quocumq; nomine nuncupetur, sive *realis*, sive *formalis*; sive *virtualis*; enimvero Divinorum attributorum distinctio nulla est, nisi penes diversa connotata. XXI. Gilbertus Porretanus Pictavorum Antistes distinxit DEUM ab essentia, Personas à relationibus, & omne concretum ab ab stractis; at non Divinas ab invicem proprietas-



prietates. XXII. Comes simplicitatis infinitas DEO asserenda. XXIII. Im-  
mensitas. contra Conradum Worstium Calvinianum, Wolzogenium, aliosq;  
Socinianos. XXIV. Immutabilitas. XXV. Eternitas. XXVI. Ubi jure ac me-  
rito exploditur Valentiniana Aeonum fabula. XXVII. Et lumen illud in-  
creatum sempiternum, in quo Græci Palamitæ se DEUM videre jaebant.  
XXVIII. DEUS infinitam habet potentiam. XXIX. Unde potest Plura  
facere quæ non facit. XXX. Imo meliora ijs, quæ fecit. XXXI. Est sum-  
me verax, neq; potest esse seductor, aut auctor mendacii. XXXII. Solo na-  
turali lumine nequit ab aliquo creato intellectu intuitivè videri. XXXIII.  
Bene vero ab intellectu supernò lumine circumfusò XXXIV. Hoc super-  
num lumen, quod *lumen gloria* appellant, est ipse DEUS, five est Divinum  
& increatum lumen Beatorum menti intime affulgens, suoq; fulgore ac mo-  
tione imprimens illi qualitatem & habitum, qui tamen non est entitas quæ-  
dam realiter distincta ab anima, sed ejus ordo, affectio, & modificatio, XXXV.  
Intellectus creatus DEUM videns non potest illum comprehendere. XXXVI.  
Hanc solam cõprehensionem possibilem esse intellectui creato, negavit Chry-  
sostomus, non visionem DEI in se. XXXVII. Neq; Theodoretus, neq; Hie-  
ronymus visionem Divinitatis credidère impossibilem. XXXVIII. Augusti-  
nus constanter tradidit atq; firmissime, oculis carneis non posse conspici  
DEUM, & ipse omnia suppeditavit argumenta, quæ proferunt hac in quæ-  
stione Theologi, imo & alia clarissima: quare immerito hac de re dubium  
natare scribi lib: 7. Theologicorum dogmatum cap: 2. Petavius. XXXIX.  
Utrum post resurrectionem Beatorum corpora futura sint spiritualia, & ocu-  
li alterius ab istis naturæ, ac proinde tunc saltem visuri DEUM, est alia  
quæstio à præcedenti: & hanc quamvis Augustinus prudentissime non defi-  
nivit, demonstrat tamen accurate se minime probare. XL. Magis ad Sacras  
litteras accedit, DEUM neminem hominum vidisse unquam. XLI. Hinc etiã  
Enoch & Eliam DEI conspectu nondum potiri, nisi forte momentaneis ra-  
ptibus ac transeunter, probabilius est XLII. Figmentum est & anilis tabula  
mille annorum Regnum à Gerinθο excogitatum, & à Papia licet tolerabilius  
inductum. XLIII. Nec ad minimum tempus exutis corporibûs animabus DEI  
visio & gloria differtur, si nullâ conspersæ sint macula. XLIV. Id ad firmat-  
Ambrosius & Bernardus. XLV. Porro Augustinus, quod fluctuet de secretis  
receptaculis animarum, est summæ ejus perspicacitatis indicium: at de glo-  
ria & felicitate non dubitat. XLVI. Piorum animas ante corporum resur-  
rectionem DEUM non videre, neq; ut privatus Doct̃or asseruit Joannes-  
XXII. XLVII. Inæqualis gloria meritis inæqualibus reservatur. XLVIII. Cau-  
sa moralis hujus inæqualitatis est meritû; effectrix vero est lumē gloriæ, quod  
pro meritorû ratione illustrat mētē, infamatq; corda Sanctorum. XLIX.  
Est in DEO omnis plenitudo Scientiæ. L. Hinc nulla est creatura sivè pos-  
sibilis, sivè futura, sivè præterita, sivè extans nunc, quæ DEI subterfugiat  
Scientiam. LI. Neq; latent Divinam Scientiam futura quælibet contingentia  
&



& conditionata: imo nec peccata. LII. Ex Divina præscientia non con-  
 sequitur inevitabilis contingentium eventus. LIII. DEUS non prædeter-  
 minat actiones liberas naturales, nec proinde videt eas in efficaci suæ volū-  
 tatis præfinitione. LIV. Idq̃ etiam juxta inconcussam Divi Thomæ doctri-  
 nam. LV. Nec actum, cui adnectitur peccati malitia. LVI. Angelico Do-  
 ctore iterum suffragante. LVII. Innocens creatura auxilio prædeterminan-  
 tis gratiæ non indigebat, & consequenter minime novit DEUS perseve-  
 rantiam Angelorum in efficaci suæ voluntatis decreto. LVIII. A quo non re-  
 cedit Doctor Angelicus, imo nec Ægidius Romanus. LIX. Si accipias sci-  
 entiam *mediam* pro certa præscientia futurorum ordinis naturalis, sive su-  
 pernaturalis, in statu naturæ innocentis, nec non operum malorum ejusdem  
 statûs absq̃ ullo prædeterminante decreto, admittendum est vocabulum sci-  
 entia *media*. LX. Præscientia peccatorum in statu naturæ lapsæ spectat ad  
 scientiam *visionis*, non ad scientiam, quam vocant *mediam*. LXI. Si acci-  
 piatur scientia *media* pro cognitione conditionatorum, quæ non sit neq̃;  
 scientia *visionis*, neq̃; scientia *simplicis intelligentiæ*, neq̃ in præsentī statu,  
 neq̃ in statu innocentia locum habet. LXII. DEUS videt futura libera or-  
 dinis supernaturalis, quæ spectant ad statum naturæ lapsæ, dependenter ab  
 efficaci decreto. non per scientiam *mediam*. LXIII. Nemine prorsus exce-  
 pto DEUS vult omnes homines salvari voluntate. ut vocant, *antecedente*.  
 LXIV. Hæc voluntas salvandi cunctos, est in DEO vera, propria, atq̃ sin-  
 cera. LXV. Gubernat DEUS providentiâ sua omnia, etiam abjectissima  
 quæq̃ ac minima. LXVI. Est in DEO opposita necessitati libertas. LXVII.  
 Quæ constituitur per actum sempiternum ac necessarium Divinæ volunta-  
 tis à substantia indistinctæ, prout connotat objectum creatum, effectum con-  
 tingentem & defectibilem. LXVIII. In dogmate prædestinationis & gratiæ  
 recedendum non est ab Augustini doctrina. LXIX. Erronea est animarum  
 præexistentia, quam finxit Origenes, ac proinde commentitium meritum  
 prædestinationis comparatum ante illarum unionem ad corpora. LXX. Non  
 prædestinantur Electi ex prævisis meritis comparandis sola facultate liberi  
 arbitrij; neq̃; ob præscientiam fidei; aut bonæ voluntatis ex solo libero ar-  
 bitrio naturaliter prodeuntis; aut liberæ acceptionis & boni usus arbitrij  
 antecedenter ad gratiam nec deniq̃; ob præscientiam moralium virtutum.  
 LXXI. Prædestinationem ad gloriam esse in statu naturæ lapsæ gratuitam de-  
 monstratur ex sacris literis. LXXII. Sanctus Pater Augustinus hanc do-  
 cuit appertissime. LXXIII. Et Patres alij LXXIV. Imo ipsa Ratio Theolo-  
 gica Augustinianæ de gratuita ad gloriam prædestinatione sententiæ pluri-  
 mum suffragatur. LXXV. Prædestinatio tam respectu DEI, quam homi-  
 num Electorum, est omnino immutabilis; ex parte tamen DEI certa est ex  
 parte hominum prorsus incerta. LXXVI. Hæresis Prædestinatio nulla fuit  
 in Monasterio Adrumetino Augustino Superstite. LXXVII. Aut in Gal-  
 lijs Celestino I. Pontifice Romano. LXXVIII. Nec Gothescalcus Prædesti-  
 natio fuit, licet veram causam imprudenter suscepit defendendam,



LXXIX. Certo temperamento servato prædicanda est populis Augustiniana de Prædestinatione Sententia. LXXX. Magnus est numerus Electorum. at valde exiguus, si comparatur cum numero damnandorum. LXXXI. Calvinianum de reprobatione dogma horrendum est detestabile, & omni execratione dignissimum. LXXXII. Reprobatio negativa suam ex parte reprobi causam habet, nempe originale peccatum.

## DE PECCATO ORIGINALI.

LXXXIII. **T**Ransfusio peccata originalis ex veteri Testamento evincitur. LXXXIV. Eadem Catholica veritas confirmatur novi Testamenti locupletissima auctoritate. LXXXV. Ex scriptis veterum Patrum depromi possunt pro originali peccato luculentissima testimonia. LXXXVI. Sive supposita Fide, sive absolute loquendo ex miserijs, quas modo patimur, probari potest originale peccatum. LXXXVII. Originale peccatum non est mala quædam ac perversa substantia, ut affirmavit Iliricus. LXXXVIII. Neq; ipsum Adami personale delictum. LXXXIX. Sed est concupiscentia, cui inest reatus culpæ. seu privatio originalis iustitiæ; adeo, ut concupiscentia sit originariæ culpæ, quasi *materies*, reatus vero sit illud, quod Theologi appellant *formale* peccati XC. Cōtrahitur originalis noxa propagatione naturæ, eo quod cōcupiscentiâ & libidine seminetur corpus, cui lege providetur anima à DEO inferitur. unde hæc carnis consortio vitiatur: & quoniâ corpus præcōtinebatur in lūbis Adæ, is cōmunē naturā infecit; ita ut originarium peccatum sit ob hanc præcontinentiam singulis proprium, & originaliter voluntarium, non quod voluntates nostræ moraliter continerentur in Adam aut cum eo DEUS pactum aliquod inierit. XCI. Scelus Judæorum, quibus Auctoribus Christus suffixus est cruci, nequit appellari peccatum naturæ pervadens in posteros. XCII. Pueri decedentes, priusquam sint regenerati baptismo, te, supernaturali beatitudine minime potiuntur. XCIII. Fictitia est quoq; illa naturalis beatitudo, quam benigniores quidam iisdem infantibus pollicentur XCIV. Hi enim parvuli morientes absq; regenerationis lavacro, dolore aliquo afficiuntur. XCV. Imo & plectuntur pænâ sensus, licet in comparatione adultorum, mitissima.

## DE LEGIBUS.

XCVI. **L**Eges, ut obstringant, certas postulant conditiones. XCVII. Quæ si adsint, etiam justos vinciunt homines. XCVIII. Lex naturalis abrogari non potest; neq; dispensationem admittit. XCIX. Vetus testamentum est à DEO; & Moyses fuit duntaxat veteris legis promulgator. C. Lex vetus bona fuit, non, ut quidam hæretici commenti sunt pravis constituta præceptis. CI. In tabulis Moysis ita distributus erat Decalogus, ut prima tabula, quæ ad cultum Dei pertinent priora præcepta contineret, altera reliqua, quæ ad amorem proximi. CII. Primo Decalogi præcepto simulacra duntaxat idolorum, & imagines ad adorandum conflatæ, non



omnes; promiscue prohibebantur Judæjs. CIV. Eo vero, sicuti & ceteris decalogi præceptis traditur rectissima agendarum rerum mensura. CV. Ritus pariter legales, seu secundaria Judæorum præcepta fuerunt optimo providoq; consilio instituta. CVI. Lex vetus duntaxat in morte Christi desinit obligare, quantum ad cæremonialia præcepta spectat. CVII. Non statim tamen à morte Christi legalia fuerunt mortifera, sed ad vitandum scandalum & ne lex Moysis tanquam impia reiici videretur, licitum fuit aliquando veteres cæremonias servare. CVIII. Hinc Apostoli non observarunt legalia prudenti quadam simulatione, sed ex animo, & sincere; sicuti & absq; simulatione Paulus restitit Cephæ intempestive ipsa legalia usurpanti. CIX. Heterodoxi jaçtantes, nihil præter fidem præceptum esse in Evangelio, toto Cælo hallucinantur. CX. Ad legem *humanam* nos convertentes asserimus, à Legislatoris potestate atq; arbitrio pendere, an in Provincijs, an in sola Metropoli lex debeat promulgari, quemadmodum an statim post promulgationem, an vero post certum tempus subditos stringat; ideoq; si Legislatore mandante lex in Metropoli absq; ulla exceptione publicetur, statim obligat omnes subditos, ad quorum potest pervenire notitiam. CXI. Neq; lex Civilis, neq; Ecclesiastica à populi acceptance dependet. CXII. Humanæ leges, etiam Civiles ligant in interiori conscientie foro; non semper tamen cum gravi nocumento, & periculo vitæ. CXIII. Potest Ecclesia interiorē quoq; actum per se ac *directe* præcipere. CXIV. Potestates sæculares non habent auctoritatem aliquam aut imperium statuendi leges Ecclesiasticas. CXV. Competit Ecclesiæ Pastoribus non solum munus suadendi & declarandi, sed etiam auctoritas & potestas coactiva, qua possunt suarum legum fractores vi, & imposita necessitate compescere. CXVI. Minime pugnat cum Spirituali Ecclesiæ regimine temporalis jurisdictionis regniq; potestas; & reapse summo Ecclesiæ Pastori utraq; simul præfata competit potestas. CXVII. Legislator; & ipse aliquo pacto proprijs legibus obstringitur. CXVIII. Advenæ ac Peregrini, locorum ad quæ accedunt, tenentur legibus, non proprii, unde abierunt, territorii. CXIX. Clerici legitime possident bona temporalia quæ ab omni civili onere gaudent immunitate; ita ut illi cogi non debeant ad tributa solvenda, neq; ad munia Laicorum obeunda. CXX. Immunitatem Ecclesiasticam sive locorum, sive Personarum, quocumq; jure sit inducta, nequeunt Principes sæculares temerare, aut minuere. CXXI. Decretales veterum ante Siricium Pontificum Epistolæ ab Isidoro collectæ, sunt interpolatæ, & magna ex parte suppositæ, non tamen reiiciendæ tanquam Apostolicæ doctrinæ fideiq; adversantes. CXXII. Canones collecti à Gratiano non aliam habent auctoritatē, quā fontium locorumque, unde sunt derivati. CXXIII. Canones Apostolici etiam primis Ecclesiæ sæculis obtinuerunt.

### *De Officijs, seu Actibus humanis.*

CXXIV **O**mnia opera quæ cum libertate patrantur, *in individuo* vel honesta sunt, vel prava. CXXV. Externum tamen opus nihil per se addit decoris, aut rursitudinis interiori voluntati in rem honestam, iniquam;



ve deliberate vergenti. CXXVI. Nihil aliud est juxta Augustinum *Virtus*, quam ordo Amoris, quo servato vel fruimur DEO, vel utimur creaturis. CXXVII. Peccati malitia in rectitudinis privatione consistit. CXXVIII. Admittenda sunt peccata genere suo venialia. CXXIX. Quæ mortalia dicuntur, habent malitiam moraliter infinitam. CXXX. Fictitium est peccatum Philosophicum. CXXXI. Ignoratio juris naturalis, si invincibilis sit, à peccato excusat: sed nullus hominum compos sui talâ ignorantia laborat quantum ad universalia principia & proximas consecutiones. CXXXII. Si tenuis sit *probabilitas* opinionis, in qua forte versamur, eidem morigerari, iniquum est, CXXXIII. Universim de qualibet opinione probabili loquendo, ea, si tuta non appareat operanti, neque conscientia moraliter certâ ingereret, haud est firmissima morum regula. CXXXIV. Non licet propterea sequi opinionem probabilem faventem libertati, relicta altera æque probabili, quæ stet pro lege ac præcepto. CXXXV. Nefas pariter est, sequi opinionem minus probabilem stantem pro libertate in concursu opinionis probabilioris, quæ stet pro lege. CXXXVI. Hinc viro Theologo non licet ex sententia quam ipse oppugnat, censetq; minus probabilem; alteri consilium dare, tametsi non ignoret eandem sententiam tanquam probabiliorem ab aliquibus propugnari. CXXXVII. Nec homini ignaro fas est varios adire *Causuillas*, cō animò, ut tandem inveniat aliquem benigniorem, affirmantem esse probabile, quod alii improbant, sibiq; fas sit eligere quod magis libet. CXXXVIII. Confessarius pariter non debet absolutionem impendere ijs, qui sequuntur opinionem minus probabilem stantem pro libertate, eamq; nolunt deponere. CXXXIX. Sequi tamen possumus in qualibet materia sive juris, sive facti, sententiam probabilem, quæ post diligentem veritatis inquisitionem appareat opposita sententia probabilior: quod in perse notis obvijsq; præceptis legis naturæ nequit occurrere. CXL. De Religione differentes affirmamus, duodecim Deos *Censentes*, qui & Penates, & Urbani dicti sunt, aut octo *Selectos* inter Divos censere, summæ dementiæ esse. Etiam quæ apud Turcas & Mahumetanos viget Religio in se quidem absolute, sed maxime dum comparatur Christianæ, apparet execrabilis, repudianda & Divino cultui hominumq; saluti repugnans. CXLI. Vera siquidem Religio, in qua oporteat nos salvos fieri, est Religio Christiana. CXLII. Abs qua extorres sunt nec hæreditatis Christi participes erunt qui ad normam legis Evangelicæ mores componentes in capite de Divina Christi natura & Incarnatione ejus à Nobis dissentiant, CXLIII. Et sectæ Calvinistarum, Lutheranorum, aliorumq; Protestantium, tanquam Christianæ Religionis adversæ, sunt detestandæ. CXLIV. Apostolorum Symbolum recte Apostolicum dicitur CXLV. Ipsi Apostoli idem condiderunt. CXLVI. Vere Christus descendit ad Inferos; idq; perperam appositum non est Symbolo Apostolorum. CXLVII. Universalem corporum resurrectionem, quæ in Sym-



Symbolo Apostolico asseritur expectandam esse propugnamus. CXLVIII.  
 Ac futuram in eadem numero carne, quæ morte dissolvitur; quamquam  
 non eadem omnino futuræ sint resurgentium omnium corporum affe-  
 ctiones. CXLIX. Norma, & libella, ad quam fides exigenda est, statui ne-  
 quit in sola humana ratione CL. Et Sacra Scriptura non est adeo  
 aperta, & perspicua, ut sola ad omnia dogmata definienda sufficiat.  
 CLI. Quamobrem iudicium de fidei quæstionibus nequit ex solis Scri-  
 pturis repeti sublata vivi Iudicis auctoritate; CLII. Nec idoneum erit  
 iudicium si fiat privato spiritu, & intima cujusq; fidelis persuasione.  
 CLIII. Præter Divinam Scripturam Sacræ quoq; Traditiones sunt ad-  
 mittendæ. CLIV. Fides Mediatoris in veteri quoq; testamento fuit  
 necessaria sed non *explicita* in ejus Divinitatem, ac individuae Trini-  
 tatis mysterium. CLV. Porro in hoc novæ legis statu necessaria est  
 ad salutem fides *explicita* Domini<sup>inc</sup> Incarnationis, & Trinitatis: imo &  
 ad justificationem obtinendam. CLVI. Necessaria est etiam ad salutem  
 externa fidei Confessio, adeo, ut nunquam sit licitum negare fidem. Imo  
 nec religionem simulare profanorum rituum, ciborum, vestium, nomi-  
 numq; gentium Idololatrarum usurpatione, ubi sint superstitiosi cultus  
 indicium. CLVII. Fas est aliquando, fugam in persecutione arripere.  
 CLVIII. Permanet vera fides in homine impio, dummodo infidelitatis cri-  
 mine non se commaculet; Non tamen in homine hæretico: Aut in ani-  
 mabus corpore solutis, suoq; in termino consistentibus. CLIX. Datur  
 spes à fide & à caritate distincta; quæ non persisteret, in eo cui facta  
 esset futuræ damnationis certissima revelatio. CLX. Mundanus timor  
 vanus est, perversus & noxius. CLXI. Non timor servilis: qui est  
 bonus, utilis, supernaturalis, & donum DEI. CLXII. Illo tamen lauda-  
 bilior est timor castus, quo timet anima ne à DEO deferatur. CLXIII.  
 DEUS etiam interiori caritate diligendus est semper; actu, aut virtute.  
 CLXIV. Animarum Dei caritate flagrantium datur aliquandiu *quies*, sed ei,  
 quam Molinosius invexit, è diametro opposita. CLXV. Status *puri amoris*,  
 & indifferentiæ, in quo anima nullam gerat propriæ salutis curam, vel tanquã  
 à DEO reprobata, nullam habet spem, nullumq; perfugium, atq; à semetipsa  
 divisa unice se Divinæ voluntati committat, fanaticus est, non caritatis  
 perfectio. CLXVI. Non enim repugnat caritati servare legem intuitu  
 sempiternæ mercedis. CLXVII. Quisquis putat se proximum diligere,  
 dum externa tantum amoris exhibet argumenta, neq; illum interno a-  
 more prosequitur, insigniter decipitur. CLXVIII. Dummodo certæ condi-  
 tiones intersint fas est Christianis bellum gerere; quibus tamen illicita est  
 monomachia, sive initum ex condito singulare certamen. CLXIX. In-  
 justi aggressoris occisio licita est, si à noxia cupiditate sequestretur, id est,  
 amor proximi non præferatur amor corporis, & defensionem sui mode-  
 retur pacatum rationis imperium; quod tamen in praxi raro, difficulter,

&



& forte nunquā continget. CLXX. Inter illicita oblectamenta quibus inhiat noxia cupiditas, veterum Bacchanalia sunt connumeranda. CLXXI. Hæc, quomodo nunc celebrantur censei honesta non queunt. CLXXII. Saltationes quippe, quarum in sacris literis fit mentio, damnant quam plures præsentium chorearum abusus. CLXXIII. Quisquis ergo immodice choreas agit, à culpa vix erit immunis. CLXXIV. Festis autem diebus à choreis æ saltationibus est omnino abstinendum. CLXXV. Oportet etiam ut Christianus gravem, & honestum cantum vel sonum amet; aspernetur vero mollem, inverecundum, atq; iliberalem. CLXXVI. Ludus alearum, tanquam omnis nequitiae seminarium, eliminandus omnino est, atq; abjiciendus. CLXXVII. Consuetudo mulierum, quæ faciem cerussa, rubore, & consimili fuce obliniunt, nequissimi flagitij complectitur turpitudinem. CLXXVIII. In cultu vestium maxima præferenda est moderatio: CLXXIX. Splendidus conviviorum apparatus nonnisi à luxu coſtuptæ gentilitatis manavit.





ra  
da  
a  
o,  
n.  
n.  
1.  
i-  
o  
e-  
m  
m





